

Tres buki precioso di Digna Lacle Herrera presenta



ORANJESTAD(AAN)—Mas di 100 hende a yena patio di Arubiana na Bachstraat diabierna anochi pa e presentacion di buki di Sra. Digna Lacle Herrera. Tres buki di cualnan por a scucha partinan di cada e anochi aki. Sr. Frank Williams a haci presentacion como maestro di ceremonia y a introduci e “Buki di Pasco” cu euentonan y storianan di Pasco riba e Pasco cu tabata wordo celebra na Aruba antes y con e nacimiento di e Niño Hesus tabata lo principal y no manera awendia cu e esencia


aki ta cay despues di comemento y bebemento. E autora mes a lesa un fragmento for di e Buki di Pasco, y coro TuttiFutti dirigi pa Maybelline Arends Croes seguidamente a interpreta seis cantica di Pasco cu letranan na Papiamentu, skirbi pa Digna Lacle Herrera. Despues cu un grupo di actor y actriz hoben a presenta un sketch riba nacimiento di Niño Hesus, e coro a interpreta algun cancion mas cu letranan na Papiamentu di Digna Lacle Herrera.



Seguidamente tabata tin presentacion di e “Buki di poesia y Storia” di e autora Digna Lacle y Sr. Jose



Fernandez Perna a lesa un storia for di e buki aki prome cu tabata tin presentacion di Edgar Kelkboom y su agrupacion musical cu algun cancion toca cu harpa. Belem Kock-Marchena tambe a recita poesia di Sra. Digna Lacle Herrera e anochi aki prome cu Sr. Frank Williams a introduci e buki di Haiku. Sra. Digna Lacle Herrera mes a lesa algun Haiku y a laga e publico cu deseo di scucha mas, pero a sorprende tur presente cu un di e bukinan como regalo. Despues di esaki Sra. Digna Lacle a entrega un ehemplar di cada buki na diferente personahe, sigui pa musica di



harpa di Sr. Edgar Kelkboom y brindis cu posibilidad di cumpra buki. DIARIO lo bini despues cu mas foto di bukinan aki.